

風雅  
拾遺

虛白堂集

五







虛白堂風雅錄卷之一

男 世昌 編集

歌體

漁父歌

白鷗刷羽曉平沙秋風吹老蘆葭花孤篷短棹隨所  
止一江烟月為吾家舟中老夫少眠睡夜深冒雨垂  
芳餌紅鱗上釣健欲飛得錢沽酒謀一醉上歌歎乃  
拖長篙鬢絲吹雪寒刀騷劃然長嘯入雲去一葉掀  
舞輕波濤



陽春歌

桃花如錦彤庭中梨花如雪玉欄東桃花梨花能白  
紅白爛漫爭春風金樽美酒浮蟻泊天上簫笙凝  
繡幕君王清燕日日遊萬歲千秋太平樂

天馬歌

虎文龍骨桃花題尾長罕地青雲齊房星孕此天上  
種來作第一人間蹄奇姿卓犖長高價烏騅赤兔皆  
居下朝從崑崙電發光夕秣燕薊鞍初卸九重宮闕  
祥雲垂遠人來獻真龍姿繡韉五色白玉勒覆以黃



罽登天墀扈從鑾駕遊靈囿又聽瑤池簫鼓奏一心  
展盡不凡材不學會孟空獻壽君不見漢家天馬歌  
茂陵天子空雄誇涵仁慕義自來至不必萬里勞干  
戈

浩古歌

浩口歌天地萬物如吾何富貴何殊草頭露功名正  
似燈前蛾君不見翟公盛時賓客開去後門雀閒堪  
羅淳風死後不復返翻雲覆雨交情訛又不見齊奴  
金谷列紈綺珊瑚寶樹交枝柯高堂崇宇鬼易瞰惟



有芳草年々多厚味實腊毒美色爲妖魔徒知事豪  
侈不恤人譏訶浩々歌天地萬物如吾何生前權勢  
貴季孟死後虛爵崇丘軻金張承恩競輝赫賈董道  
屈終蹉跎闡尊共登顯蘭蕙推幽坡樞機苟不慎終  
至倒太阿當時不辨僞與真千載志士空傷嗟浩々  
歌天地萬物如吾何頭邊歲月如飛梭須臾鶴髮成  
皤瑶琴一曲陽春調青樽萬斛驅愁波不如與子  
拚作眼前樂一醉千日心無他

金銅仙人辭漢歌



仙人掌上金芙蓉露華下滴真珠濃桂樹重陰共虧  
蔽晨曦采射光瞳矐曾般金馬相為友皇家十世承  
恩以焉知貞姿不自保一朝誤落奸雄手東關歸路  
更渺綿臨流欲渡情酸然終南蒼翠不復見秋風吹  
淚清漣漣

李夫人歌

未央宮裏千蛾眉劉郎眼大無妍姿近年協律作新  
樂夫人唱和房中詞生平最承恩眷戀更冀死後情  
不變昭陽寢疾永訣時掩面不許重瞳見九華燈影



紅鱗口焚香夢見真非真隔幔相見不得親老淚傾  
水空傷神貳師罪大功真雪宗族何辜盡流血君王  
恩薄不可恃九泉有識應嗚咽

虞美人歌

鴻溝割地分疆宇重瞳無光暗中王兵圍垓下封朱  
旗梁齊羽翼來相聚轅門四面楚歌聲起飲帳中壯  
心驚神騅不逝悲踟顧美人一死鴻毛輕鴻毛吹斷  
蓮花鏢血汚遊魂無處托百草欣含漢雨露獨抱芳  
心猶寂寞



釣臺歌

新家祓禊風驅陰真人握符騰寰輿客星一夜犯帝  
座還隱富春山下廬英雄爭得第土裂朱紫紛口門  
戶熱獨扇清風滿六合羊裘猶釣滄江雪

鮫人歌

滄海茫茫塞大虛珠宮貝闕鮫人居鮫人織成萬機  
絹五色變出雲霞舒有時暗結青齊士抱絹來入臨  
淄市主人恩深無所報兩眼迸淚清如水千行玉筋  
縱橫垂化成珠貝光參差翻二歸袖難攀駐臨歧猶



約明年期鮫人之珠織女布青史相傳無乃誤神仙  
異人如可求秦皇漢武當先遇

行體

桃源行

石橋東跨滄海濶北筭長城抱遼碣阿房殫盡萬夫  
力賴魴覓水偷生活函關茫茫隔幾塵秦人變作華  
胥民惟知種桃作丘畛花開萬樹回青春武陵何處  
漁舟隻花間邂逅逢耕耦不恨秦亡祖龍死却恐凡  
人亂我趣當時真偽不可知淵明作記潤色之如今



千載無路八盡圖空想神仙姿

金谷行

梓澤春風花草香花間十二金釵行酒徒詞客滿華  
堂具歌楚舞歡未央芙蓉屏前窈窕郎鐵笛裂石聲  
飛揚妖姿作蠹蝕肺腸孫郎甲卒圍門墻樓高百尺  
塵茫上花飛玉碎飄何方知曾積財爲禍殃不能早  
散身先亡淒涼金谷易斜陽行人指點空悲傷

北邙行

天寒衰草霜飈急靈輜如龍度原隰鄰里執紼來相



送期功號哭繼麻泣卑者纔掩一株茅大家作碑歸  
然立山頭有土貴如金後至無地無由八年口寒食  
兒孫隊焚香奠楮如雲集餒罷人散飢鴉飛紙錢經  
雨抱樹濕人無貴賤同一歸何人覩此無鳴咽細推  
物理可行樂秉燭夜遊如不及

沙堤行

金鷄唱曉開扶桑雲間太白初騰芒公俠珂馬搖丁  
當沙堤紅炬連煌煌丹門待漏朝奏章斥去謗佞登  
俊良黼黻仰補舜衣裳



猛虎行

南山白額黃牙兔眼光閃々走妖狐咆哮一怒出負隅  
鋸牙如戟張雄鬚將軍唾掌鬻雕弧白羽連翩金僕姑  
斑毛迸血紅糝糊擗風散野推黃蘆攘臂歸來西日晡  
萬人遮道驚相呼人間有如此俊丈夫何不喚取防北胡

杜鵑行

花開萬樹紅高低花落滿地綠葉齊春風毛羽穿芳蹊  
日々弄影空悲啼蜀中繁華塵一聚飄零不恨離



驚土分形散飛無東西欲訴未訴思轉苦思轉苦尚  
怨誰年上血染花間枝君臣古義不可忘君不見杜  
甫再拜詩

從軍行

山西虜騎穿雲中夕烽來照甘泉宮漢家三十萬軍  
容疊鼓振野旌旗紅將軍稽首受彤弓白馬躩蹀嘶  
長風妻孥號哭翻蒼穹怨氣鬱結生白虹雪花如席  
搖空濛負戈冒雪踰崆峒天生胡虜驕且雄有手難  
與爭其鋒紛々衛霍雖成功萬骨枯暴黃沙蓬不如



敷施仁義常篤恭守在四夷無兵戎

### 君子行

君子貴無欲不爲利所使外物不能撓靈臺澹如水  
莫貪功與名功名薄於紙莫慕富與貴富貴風塵豕  
才義可無驕位高當知止錦袍不爲榮惡衣不足恥  
操持此善心勉之慎終始苟或不能守何以曰君子

### 公子行

公子風標世無敵眼光紫綾髻似戟結交五陵豪俠  
客手弄彩毬穿綺陌長安娼兒爭目送邀入青樓夜



吹笛雄心縱搏麋盧擲快傾瓊梳丹霞液長日遨遊  
惟意適不用花朝兼月夕

野田黃雀行

黃雀是何物身微徒利觜啄盡田間粟出入蓬蒿裏  
不學鸞鳳表吉祥不學鷗鷺弄雲水胡爲低回郊野  
間終日翻飛不知止上畏金彈射下畏鷹鷂擊不為  
人所憐汝死誰復惜

結客少年場行

少年不讀書學劍敵萬夫所交皆荆畧出八長安衢



腰間挾匕首紫電光射途刺人白晝市報怨忘其軀  
霜鶻奮老拳飛鳥散驚呼探盡豺虎穴長歌回大都  
功名若固有不願朱紫紆還隱舊屠肆蒲博聚其徒  
飲馬長城窟行

長城陰漠漠山高暮雲低吞聲行負戈風雪寒淒淒  
山路劇羊腸白石齧馬蹄隨隨苦難行俯飲當清溪  
清溪水塞渡向人頻酸嘶聞道單于壘猶在陰山西  
塞天莽空濶殺氣纏紫電天驕勅難敵性命真醢鷄  
麋軀不足惜陟岵心悲悽王事宜糜監愛日心空睽



出自薊北門行

虜騎薄長城羽檄如流星將軍十萬兵橫行向虜庭  
出自薊北門號令驅雷霆弓變神臂力箭揮白雕翎  
魚貫陟雲磴結陣依林坳朔風吹不盡胡霜寒夜零  
生死向前去輦鼓拂青冥虜人縱未獲庶可揚威靈  
禡盡驕虜魄自無犯邊亭使彼燕薊民自有得少寧

長安有狹斜行

長安大道中衢路紛多歧大道平如砥迤邐行遲々  
小蹊縱斜狹行近人爭馳紛々車與騎往來皆由斯



有時自相觸摧仆難支持小人樂幽險君子慕坦夷  
坦夷道方恭行險事多危上機真可畏後悔徒憂悲  
如何秉句者茫然不自知勿謂吾言誣吾言良可窺

曲體

鼓吹曲

江南春色早花柳滿郊墟冠蓋紛四出繡帶紅羅裾  
吹笙擊鼉鼓環擁五雲車經營嘉謨訓歸奏紫宸居  
君王應玉汝大義當勉諸

大堤曲



大堤上橫塘路家在綠楊深處住妾弄青梅憑粉  
牆豈料郎君一回顧郎如山上雲倏忽變朝暮妾如  
塘底水流波日東注如何相思心不得一相遇請君  
來指門前柳可作連理相思樹

胡笳曲

三點四點北斗明一拍兩拍胡笳聲胡笳聲中霜滿  
城邊人聽之淚縱橫思家步月難爲情

畫眉曲

粉綿拭面凝秋波胭脂勻傅生光渦手提鸞鏡照雙



娥掃眉斜點蘭燈花郎君馬飛五花錦嘶向門前驚  
晝寢請君一笑留夜歡門情暫相思枕

清江曲

扁舟冒雨穿蒼靄菰葉蘆花擁灘瀨青裙抱兒坐篷  
牕鶴髮撒網車輪大一生烟水作爲鄰功名脫屣浮  
雲外相邀同伴開酒缸旋茗煮蓼斫秋膾

明妃曲

長城城中白日暖長城城外黃雲滿琵琶聲中苦調  
多捍撥哀絃腸欲斷未央宮裏三千人獨將患苦叢



妾身平生自持嬋妍色豈悟丹青誤失真穹廬擅帳  
相應逐強屈貞心從庸俗誰人作俑蟻中華我今欲  
食婁敬肉

採蓮曲

大堤十里柳枝亭翠蓋翻平池江南女兒足如  
雪採蓮作伴相怡悅翩翩香袖輕飄風白玉搔墜清  
冷中菱波仙襪歛紅霧宛似齊妃初學步採蓮莫採  
蓮中根採傷根枝不繁採蓮莫食蓮心苦食心愁苦  
終何補所願韶華奉六郎相親交頸如鴛鴦



塞上曲

漢家御戎無上策漢兵愁沒黃沙磧縱有中間多斬  
獲殺傷相半縱何益君不見多年病瘡在胸膈服藥  
暴泄先傷脉當持五穀調補神明宅自然病去身豐  
碩天生桀驁夷與狄弓勁馬肥難可敵不如羈縻固  
疆域使我萬姓安衽席

陽關曲

夜寒細雨添平津西門楊柳新眉顰攀條挽袖不忍  
別臨歧欲語先傷神枝頭飛絮擺如雪東西飛散吹



青春不願學飄泊埋紅塵追風萬里隨行人

蒲湘曲

九疑雲掩青嶼岿沅湘夜雨波生寒重瞳一去不復  
返湘靈鼓瑟愁空山曲終聲盡空明間愁思鬱結傷  
秋蘭臨江翠竹凡幾竿至今清淚猶斑斑

吟體

節婦吟

食蓼之未苦吞椒之未烈世間無限愁無如生死別  
恐遭厭浥行露多有手可斷耳可截契濶百年守空



閨如何一日歸同穴人言抱柱節太苦若比予心如  
合轍

隴頭吟

隴西從軍羽林客隴頭月色傷心白戍邊十載留不  
歸何許人拈數聲笛酸然拭淚獨含愁不寐仰看銀  
河流親獲名王獻大將骨無驚領難封侯君不見金  
城口中老充國計畫屯田空白頭

白頭吟

白頭吟早歲相知心相知惟有膝上琴誓知白頭相



浮沉豈料頭未白斷絕絃上音含情獨抱長門恨買  
賦難贈相如金坐唱康庖歌覽古還傷今傷我今日  
無歸處古人實先獲我心

遊子吟

遊子去古里天涯行役久風高霜雪寒衣破露雙肘  
仰念倚閭人悵悵空搔首衣中針線縫皆出慈母手

雙燕吟

雙上堂中燕雙棲梁棟間呢喃並頭語朝暮雙往還  
含泥緝舊壘雌雄常等閒嗟彼世上反覆兒覩此雙



燕多厚顏

詞體

白苧詞

白苧如雪生光輝  
裁作春風身上衣  
日已向君舞與君偕老  
香羅緯馬知風動花易謝  
君今遠去何時歸  
身非蝴蝶難飛揚  
雲天綵樹空依二  
欲寄音書無路達  
側身仰望孤鴻飛

射雉詞

東風原頭芳草弱  
朝日如金滿叢薄  
錦翼翩呼作



羣來傍綠疇爭飲啄山人弄媒潛引類機頭纖繳連  
飛矢驚鳴角上四散飛五色斑翹半空墜歸來茅屋  
更讀書壯年狂氣何曾除嫣然堂婦共一笑起漉春  
醪更挽蔬

廢瑟詞

湘靈作曲歌雲和清飈撼竹水增波湘靈去後山嗟  
峨鈿蟬金鴈今蹉跎箴在匣中歲月多鳳尾零落遺  
音訛可憐世上無匏已無人愛我煩搗訶欲訴離愁  
當如何



古鏡詞

誰家古鏡青銅姿  
菱花滿背光參差  
雙鸞目鑿塵半  
蝕摩挲却抱無窮悲  
粉綿拂拭金波溢  
百鍊剛精磨不滅  
舒光猶可分醜妍  
宜照深閨妖冶質  
可憐壽光  
老先生長年不遇  
徒傷情深藏不售  
保堅貞論功會有  
封容成

去婦詞

歎息復歎息  
我生何不辰  
早嫁龍襦郎  
誤我韶華春  
郎情自衰薄  
舊乘及悅新  
今朝忽遭逐  
上堂辭姑親



痛哭出門去悲風助酸辛  
翻上堂上燕失所無所回  
灼灼路傍花飄落拋泥塵  
早知此蹭蹬寧嫁行商人  
商人多積財可以容我身  
嘆息復歎息愁懷難重陳

精衛詞

有鳥有鳥何瑣細飛來飛去波濤際  
有何含怨尚未報口折樹枝如不逮  
東海萬丈深冲融身微力鉅難  
成功桑田變化猶可待身雖磨滅心無窮

促織詞

月華如水近牕戶床下斯螽勤動股  
一宵織成幾絲



縷唧唧淒淒聲正苦東家嬾婦驕且愁十指長閒睡  
正酣身無完衣篋無帛聞此虫語應懷慚

鞦韆詞

三月清明寒食天長安女兒爭鞦韆  
前風翻彩索吹飛仙白苧如霜裙血色上下飄然紫  
鸞翼寶釵如花落半空却立平地嬌無力紛紜綺陌  
遊冶郎來扶畫板同翱翔春風桃李正芬芳少年行  
樂遊帝鄉

賈客詞



滄海無波清若空  
軻峨大艦行長風  
行穿南國泊蠻  
渚蠻人抱寶來  
相語身將賤物  
爭高價長金積  
玉光  
照夜半作活計  
資貿遷半輸倡  
樓充酒錢紛二  
市朝  
爭奪惡那似江  
南賈客樂

樵童詞

夫須破笠碧蘿衣  
啄木為伴相驚  
飛朝行下三聲  
滿  
谷日暮荷斧長  
歌歸小枝作薪  
供炊爨大柯亂  
斫燒  
作炭得錢沽酒  
不怕寒醉眠林  
下無人喚

步虛詞三首



夙稟瓊簡相往訪三茅君河車沆瀣淨鉛汞金化芥  
餐金鍊精魄綠髮超塵氛飄然若霞舉飛步空中雲  
我願從之遊刀圭得一分

朝食石凝髓暮食景如瓜渡海不憑舟登山何用車  
赤鯉乘水至青鳥隨風斜領得心中契袖裏惟青蛇  
行步九萬里壯膽誰能遮

悠々丹丘雲皎々瑤池月煌々金母家荷花爛爭發  
玉貝書縱橫笙簫聲突兀我欲跨銀梯乘風朝絳闕  
偷飲紫霞觴一醉按凡骨



宮詞十首

仙樂嘈<sub>七</sub>出絳宮御爐烟細散天風蒲庭鶴鷺呼<sub>高</sub>  
後螭陛前頭日紅色

朝罷君王倚玉床才人擎匳奉龍章披香殿畔離<sub>二</sub>  
樹花影晴搖萬歲觴

五更無寐聽鷄鳴鴛夢雖酣意自驚急喚宮官催進  
盥恐君贏得晏朝名

玉龍銜水吐清漣翳井榴花暖欲燃尚得君王一面  
顧急隨諸伴競金錢



平漏遲。日似年。繡針慵把坐。賴檀粉。花蝶許多。  
種獨刺彩鸞交頸眠。

牡丹濃豔露溥。折挿瑤瓶一笑。首鬢亂玄雲猶未。  
整六龍扶駕上雕欄。

春八公。桑日正薰。親蠶心事獨殷勤。翟褕綵繭盆三。  
手欲繡衣裳。黼黻文。

閒調桑葉倚疎櫺。學語嬌鶯舌不停。獨使梨園新作。  
譜深宮不許李暮聽。

東風吹擺碧桃枝。謾惜殘英坐玉墀。一片春心無處。



寫旋呼鸚鵡教新詞

笙歌迢遞會雲龍  
花萼相輝午影重  
秩二錦筵宣促  
味內厨供進紫駝峯

竹枝詞十首

清江潮退欲斜暉  
吳兒刺船緩二歸  
今夜不知何處  
泊菰蒲深處鯽魚肥

鷗鳥雙飛不怕人  
塵機已息自相親  
撐却小艇烟水  
岸旋收漁網曬江濱

江頭女兒石榴裙  
商賈連檣開似雲  
猶帶江沱風教



美貞操終不愧湘君

白雪肌膚白玉容不言不笑愁殺儂  
酒蘇家樓上好相逢

我身雖似野鴛鴦行露何曾浥我裳  
點愁螺鬟白索偶不數汝儂黃帽郎

樹林陰翳擁宛丘蘋藻祠神薦作羞  
擊鼓坎<sub>一</sub>鷺翻舞江人聚飲不知愁

江雨霏<sub>一</sub>江水寒竹林蒼翠映清灘  
夜半月明人語絕湘靈鼓瑟弄波瀾



滿汀紅蓼一江秋，盡江流澹似油。點點沙頭鳬與鴈，分飛各有稻梁謀。

君今南去海山遙，西風吹鬢吟蕭蕭。請君更借須臾，住飲我船頭酒一瓢。

江南江北竹枝歌，中意思奈如何。樂者自歌還自樂，愁人聞之愁更多。

謠體

天上謠

彤庭日照仙人掌，五色雲開九天上。黃袍高拱殿中



央華蓋影中環佩響琪樹春芳瑶草肥朝回上苑花  
霏二宮官催鋪碧玉簾伶女巧轉黃金徽太平貴主  
行樂萬歲千秋頌龜鶴

玉笙謠

貞筠削玉參差篴十三葉弄金簧舌纖指閒拈鵝觜  
長櫻桃絳唇吹白雪沉香火底聲紆揚宛似綵仙鳴  
鳳凰調宮轉羽曲未畢君王催喚成新章

曉仙謠

桂華影濕姮娥宮鶴馭伴月還青空清香蒲室悄無



語夜闌張燭寒銷紅流蘇亂迸鮫珠淚寶釵空遺金  
翡翠悵望銀橋幾千丈天高難可通姓字若為遐舉  
乘紫烟伐毛洗髓隨飛仙人寰塵土已迴脫身世羽  
化飄然何處吹簫鳴作風耳邊彷彿聞三弄高唐  
神女是何人一朝來入襄王夢

崑松謠

盆中矮松三尺強虬枝鐵幹交昂藏硯礪蹙身不  
長時敷翠葉凌雪霜幽人愛此亭上節影射書牕清  
且潔千年老質若變龜鶴姿與爾同得長生訣



白髮謠

志士傷時懷百憂少年青春挽不留素毛吹鬢寒飈  
颼正如枯草遭霜秋今年髮稀難鐫抽若至明年如  
禿鵝公道不饒公與侯其肯饒借寒人頭

篇體

鵞鵝篇

君不見楚大夫家有傾城姝傾城之名滿國都一朝  
移入金門鋪玉臺崔嵬高百尺性命輕似鴻毛擲一  
心永誓依韓墓不願五色輝綸翟瑩前匹鳥名鵞鵝



雙飛雙語雙回翔交頸比翼弄春芳不忍一日相分  
張人兮鳥芳俱有節耿々丹心長不滅君不見燕趙  
佳兒誇窈窕可以人而不如鳥

美人篇

西家美人花月妖曲眉豐頰顏如荻不施朱粉自有  
標傾城秀色千金嬌烏雲鬋葉金步搖腰間雜佩鐙  
瓊瑤長安甲第頻相邀公子閒取琴心挑靈犀一點  
通清宵欲憑玉杵登藍橋高塘雲雨暮復朝駕風歸  
去還飄々欲倩玉蕭吹洞簫爲予調作相思謠



白馬篇

白馬毫毛白雪色玉齒嚼齧黃金勒有時嘶迴綠楊  
堤青樓歌妓爭指識春風年少白面郎白馬白面相  
輝老心醉如飲瑤池觴擬結今宵蘇合香箏調銀甲  
聲琅玕招之不來空斷腸

明河篇

西風捲雨金天靜銀漢無雲瀉晴影蒼茫暗聚柝木  
津清淺斜連牛女境素練昭回散不收天鷄唱曉向  
西流光輝射入清不寐最宜長夜明於秋成橋何處



催鳥鵲泛槎誰入窮碧落河夫牽牛不眠箱天女支  
機安有石堪笑日者嚴君平千載幻語今難明銀潢  
餘波可借滴農家何苦愁春耕明河在天人在地塵  
土清空本來異北門學士是何人作詩空被人譏議

遠遊篇

公子好古歌遠遊驂騑如龍踏九州朝發崑崙暮海  
陬擬尋蓬島升丹丘仙人不可求唇市橫空腥  
霧浮十年衣服鶉如結黃金無苗難採擷不如深取  
六經說鍊成靈藥塗于舌華榮富貴猶可必上補唐



虞身稷契安身守靜養吾拙名成不愧前賢哲

搗衣篇

月光如水銀波瀉青女一笑粲萬瓦誰家搗衣夜深  
坐碓上悲歌碓尾和風從北來不耐寒良人萬里衣  
裳單還披古絮密密縫題封付與歸飛鴻衣裳千絲  
復萬絲誰知一一清淚滋

古劍篇

鵠膏拂洗蓮花鏤羣革可刺蛟可斫琉璃寶匣出舒  
光紫電煌煌室中落英雄用之常奮身一揮萬里驅



風塵驅掃風塵終不銹鋒寒秋水生精神何期中夜  
失其力未免斑駁苔花蝕沉埋土中歲月多韜光鏤  
彩無人識飛騰變化會有時深藏善保青蛇色

虛白堂風雅錄卷之一



虛白堂風雅錄卷之二

男世昌編集

引體

笙簾引

雲間金鳳垂雙翅上有朱字盧生記繁絃大小三十  
六清香自生纖指媚公無渡河公竟渡被髮提壺覓  
無路倉皇鹿王長呼咷一身幽怨憑誰訴空餘樂譜  
傳至今滄海茫茫烟水暮

思歸引



思歸引思洛陽願隨黃鵠同回翔行無馬濟無梁欲  
歸未歸二路長山蒼々雲茫茫河鯉不來鴈斷行安  
得魂夢遊其方舞趙女歌齊姜吹龍笛鼓金簧與鸛  
鵲醉瑤觴

飛龍引

有態厭居人間世仰拜青空訴天帝天帝垂胡五色  
文攀胡一笑乘雲逝宮中綵女願從之塵骨未拔難  
相隨嬋娟豔色不可泯千年自發花歲歲花歲歲香  
滿墀玉皇採掇供丹鼎丹流成汞華無黜照映赤日



光澹天帝深藏不許窺却恐黃龍來取噉

走馬引

少年走馬長安達光景迅忽誰能追平時多受人金  
玉撫劍長歌光陸離殺人報仇如不及不怕追騎如  
雲集大叫揮劍穿人去馬走自作飛鴻急驪山夜々  
烽燧紅天子輟膳憂西戎願君走馬掃驕虜莫學區  
區一夫雄

天門引

東方書生苦讀書射策來拜承明廬策居下第不得



試欲還故里行無車天門重上深幾許咫尺邈如千里阻平生籌畫向誰陳難輔明君作心膂

怨體

征婦怨

夫從軍去子從行妾今來送啼吞聲不如從軍備晨炊一身衣食同死生昨夜夫爲驕虜擒今朝子亦死亂兵中流失船無所倚呼天掩淚難爲情

湘妃怨

南薰殿上薰風琴簫韶奏得相知心南巡輿駕雲沉



沉含愁獨作清江吟  
清江吟思不禁淚痕血點修竹  
林千古萬古無知音  
玉階怨  
銀燭前行光暉々別院羊車尋竹葉獨步瑤砌攀花  
花却羨花間雙蛺蝶君恩斷絕金門幽  
盃水一覆那能收我願  
君心作明月暫分清輝照妾愁

長門怨

東風澹蕩圍長門  
玉階春靜桃花繁  
花飛撲簾日黃昏  
蘭膏銷紅照淚痕  
憶曾早歲承主恩  
如今恩絕心



含冤含冤欲訴還忘言解我愁恨惟文園

婕妤怨

春暖開百花秋寒彫百草花草有榮枯妾貌豈長存  
早歲辭輦時承恩展懷抱今與紉扇棄淒涼篋中老  
得侍長信宮朝夕供灑掃妾心無所怨作賦空自悼

蛾眉怨

天生我蛾眉誤此芳華時不如嫫母醜嫁作商人婦  
商人重利多畜財典衣日日猶含盃君不見明妃嫁  
胡虜青塚年々思漢土自古蛾眉多命薄非我獨遭



此難苦

輓轡怨

青黃歸犧尊不如溝中斷豫章千丈高不如樗櫟短  
多才木之灾不才保其天何辜我不才苦遭此拘牽  
拘牽閱百手回首無休時肌膚成白骨哀鳴將訴誰  
寧沈深甕底共學蛟螭遊雖無榮與顯蓋亦反其本

人羣怨

鴻鵠舉翮凌青雲弱兒王趙邨能君焉知今日遭此  
苦咫尺長陵呼不聞妾身糜粉不足惜却恨園綺爲



羽翼

歎體

古釵歎

古宮金釵土中得半帶青泥年久蝕耕叟磨揩始有  
色往售商家錢萬直何代美人憑欄干忽此來遺坐  
長嘆千年顯晦自有時克保貞固形猶完何異志士  
身隱淪埋光鏹采潛悲辛天生義才豈長貧一叫會  
有揩磨人

秋扇歎



金刀剪破機中練裁就青空輪一片微風颯爽生羅  
衽玉斧嬋娟遮粉面一朝白帝激清商網虫半掩篋  
中箴似我今日思情斷與爾棄置同悲傷

貧士歎

王谿居士一間屋短籬編棘依城麓家無楮拙土床  
寒布被如水露饑乏開窓照雪夜讀書鬢髮蒼涼巾  
一幅功名富貴不可求胡孫八爺鮎綠竹儒生雅懷  
在高潔猶向階前種黃菊

蠶婦歎



桑葉尖新生雀背羅敷親掃纖口蟻傾筐採葉不知  
勞痛箔蠶寒眠不起雲鬟歷亂未束粧夜深無寐責  
燈光機車鴉軋鳴正苦玉手難做綠絲長口安甲第  
朱門戶越羅蜀錦開歌舞爭新闢羨樂不足誰知此  
婦良辛苦

秋雨歎

金風吹雨涼蕭口秋光欲擺庭中蕉蕎花半催豆葉  
黑田夫抱膝愁無聊豚肩就社祈秋祭呼龍去雲天  
未齊蓄蔬猶可活妻孥鞭扑何堪催賦稅



紀信歎

鴻門劍舞驅雷風披帷擁盾欺重瞳  
滎陽風起兵威盡黃屋誑楚脫隆準  
漢家堂々兩將軍共遭危際扶其君  
滿臆徒懷忠憤激此身糜粉何足惜  
死生成敗皆在天身名畢竟難俱全  
舞陽沉亡居大厦忠魂獨泣黃泉下

樂府雜體

折楊柳

折楊柳長條攀折行人手長條折盡還短枝  
短枝遭



折難耐久枝折還有春意生東風歲上吹敷榮不如  
今日別離情送君千里萬里行嬌顏一皺何由禎

獨不見

雲開鵲樓月滿蓬萊殿君王清夜遊六宮爭侍宴  
歌吹落半空歡笑驚棲燕東風吹飛花來撲悲啼面  
長門咫尺地嘿上獨不見

自君之出矣

自君之出矣妾獨臨鏡慵難將拭淚手測々理霜蓬

長相思



長相思 二 不見心如紙  
鸞風中戰有席可捲石可轉  
此心鬱結何時變  
所思遠在天之陬  
雲天綠樹晴悠悠  
悠悠 二 不盡愁  
獨坐彈箜篌  
箜篌如訴復如泣  
彈罷不覺羅衾濕  
願爲雙飛鳥  
向君牕前立  
願爲明月光  
穿君帷箔入  
悲歌無寐夜何長  
魂夢不渡遼山陽  
長相思 空斷腸

少年樂

長安城中少年子  
腰間帶綬紅  
鳳嘴桃花叱撥錦韞  
泥朝遊東街暮西市  
倡樓半隱垂楊堤  
綵綺挑作相



思字一束綾充一纏頭郎今不醉將何瑛

長安道

城中甲第如雲屯家<sub>口</sub>榮戟排金門青雲滿路扶高  
軒<sub>口</sub>後十輩乘朱輪媚于天子承鴻恩錦袍粲爛隨  
風翻歸來沙堤日已昏路傍拜揖紅塵喧賓來滿座  
笑語溫歌鍾雜還環清樽權門可近炙手熱須臾變  
滅如春雪身遭竄逐妻子訣南落蠻鄉北遼碣渠<sub>口</sub>  
高大厦已爲他人室他人遞傳付何人閱世如郵誰  
得失



遠別離

遠別離近別離遠別情酸近別悲生別離死別離生  
別猶可期死別不相知世間離別多路歧臨歧各抱  
長相思長相思口不盡生者近者可見之死者已矣  
不可追人情所苦莫如遠別離與死別離

幽澗泉

幽澗泉流洄浴泉流觸石鳴濺々依倚明珠落玉盤  
彷彿笙鶴隨飛仙何苦世上人要奏琴中絃不如此  
水無用之中還有用自成宮微出自然山人家住泉



水邊擁衾聽之夜不眠欲將此樂終吾年

妾薄命

妾眉如柳顏如花當牕織手撫箏琶君來妾家不出  
閨偕死同心如葛蘿自從妾貌年二謝為君衾枕薰  
蘭麝君隨流水去無蹤妾今獨守紗窓夜不是君心  
有襄歇妾自命薄恩中絕恩中絕末如何青衿掩泣  
空幽咽視舊如讎新媚嫵重如金甌賤如土請君莫  
耽甘薺味暫試池上蓮心苦

楊白花



揚白花雪飛片<sub>二</sub>隨風斜高飛爭落日低飛追驚鴉  
不願飄點庭中滋願糝金犢油香車

行路難二首

君不見功名富貴浮雲浮自有天定非人謀蘇張舌  
上萬戶侯畢竟其舌生戈矛千金散盡不復聚大廈  
一墜難支柱犧牛文繡榮何補豕虱投湯終作苦行  
路難多辛酸泥途滑<sub>二</sub>行踰跚有田可耕蔬可餐不  
如與子棲雲巒

君不見鷦鷯逆風翔寒廊大鵬失勢羽摧落紛<sub>二</sub>葉



施盈臺閣蘭蕙香銷委溝壑社櫟拳曲生多年主鴈  
不鳴遭烹煎願處材與不材間無榮無辱全其天行  
路難危難安長風歛海翻驚瀾鼠肝虫臂爭得失畢  
竟株茅土十九

君馬黃

君馬黃上旦光飛升天路驕騰驤我馬白々無色白  
無所售空伏櫪驚鳥與伍無人憐玄黃未免鹽車厄  
世間萬事有如此奇才不遇空老矣

有所思



我心不如天上月光輝分照長城窟我心不如江中  
流奔流直到瀚海頭關山茫茫幾千里夢魂飛度浮  
雲裏夢中與子共翱翔夢覺忽然身在床園中桂花  
吐紅萼紛紛朝開暮還落可憐開落不須更似我焦  
悴紅顏色

胡無人

黑雲茫茫北風烈寒氣冱冱飛禽絕胡騎蹢躅陰山  
雪射殺雙狼爭飲血天兵暗度穿旄脫蚩尤憑陵助  
驅敵勢成破竹誰敢遏散投淵數縮如蠶縮如蠶敵



可滅取虎之子掃席穴驅胡繫長纓馘胡奏天庭胡  
無人邦國寧

烏夜啼

烏夜啼二飛來飛來共上姑蘇臺朝啼二和吳歎曲  
暮啼二喚香夢迴穿花棲樹深處住含思日二長徘徊  
烏夜啼二正苦悲啼似惜臺無主吳王在時花正  
好吳王去後花易老不逐五湖春色去空傍荒階啄  
芳草烏夜啼二不歌千古興亡幾一瞥聽歌懷古心  
斷絕烏夜啼二永訣



臨高臺

臨高臺高崔嵬登高逸氣雄八垓渭水如帶金城隈  
未央宮殿祥雲開重欄曲檻聯瓊瑰雕甍鐵鳳森嵒  
墀銅盤露瀉仙人醅倚門金馬龍之媒如弦路傍康  
衢回沙堤紅綠分楓槐貴遊卿相微輿僮華輶笳鼓  
凝晴雷行商坐賈紛往來千金百貨如山堆繁華一  
瞥生悲哀玉階輦路飛塵埃登高吊古何爲哉

燕舍泥

燕舍泥烏衣齊烏冠低舍泥飛八人家棲不向雲霄



去不穿深樹啼胡爲含泥附炎熱手口偕勞作据拮  
我言主人翁聽我殷勤說林鳥竟遭金彈射野鷄未  
免糞薦竊不如依人大廈間無風無雨無灾孽

當窻織

歎息復歎息西家婦向東家食東家殷富可托命弄  
擲飛梭勤作力纖手理絲聯復斷須臾幻出雲霞爛  
五色鋪機儼成匹快刀剪破鮫綃半高才自昔多流  
落口無所食身無著君不見長安倡羅綺縠排千  
箱



行見月

行見月拜銀闕銀闕在河  
水濶朝從海上生暮向西  
山沒見月拜月不知但流  
清輝照離別此別何時還  
關山邈難越邈難越耿無  
眠悵悵至明發

各東西

郎行遠向遼城戍天寒踟  
躕河水渡妾今獨在紅粉  
樓萱草解疾何年瘳東西  
相去何多日我欲縮地還  
無術鴈飛不到魚不采欲  
知音問何爲共此身遠隔  
三千里甘向閨中守紅死



君難託

春深園中百花落蝴蝶紛々無所託溪流枯涸萍黏  
塊羣魚噉啜無所泊花殘水涸魚蝶去似我紅顏日  
銷鑠紅顏日銷鑠君情自輕薄少年安知有今日今  
日始悟君難託

車遙々

車前驂服紛作隊車上句矛光鑒鐵車行遙々萬里  
去日暮黃雲暗邊塞車行馬鳴勢蒼黃送子東門滄  
池滂晨炊挽馬春草芳日暮聚宿沙丘傍願身化作



雙輪影隨君同歸逐光景

陌上桑

春風陌上多雜桑新鶯喚友迎新陽秦家女兒婉清  
揚霞綃少在蘭麝香攀條擷葉手如玉采之終朝不  
盈掬向人嬌笑一嫣然不知臺上已注目王郎結髮  
誓匪虧妾意如山不可移匿蘭含蕙獨慘愴筆中寫  
盡無窮詞芳操貞苦世無倫柏舟以後惟一人君不  
見七國遊說士朝為仇敵暮君臣

秋夜長



秋夜長秋夜長雲間明月流清光天澹上露灑上蘭  
有秀菊有芳良人遠在天一方紅鉛洗淚愁空房鴻  
鴈南飛翔尺書不得將道路阻且長魂夢空茫茫夜  
深搗衣暗斷腸錦衾寂寥爲誰香

戰城南

去年領天兵往擣梟鵬窠今年梟鵬怒飛渡來乾河  
相戰城南道組練被長阿紫電騰雷劍斜陽回魯戈  
將軍攘臂出虜騎皆奔波清風靜榆塞壯氣凜不磨  
功大未封侯華髮已皤上猿臂縱無敵數奇當如何



牧牛兒

牧牛兒牛倒騎倒騎出門何所之濛濛細雨灑牛背  
短簑開闔當風披行尋烟草臨灣碕頭麥浪青參  
差老特齧草卧深壤滿脰時作黃鍾響小犢沒草行  
跳梁牧兒尋饁隴上歸來兩歇南風清雲罇落日  
三竿明蒼然暮色滿墟落時拈蘆管吹數聲牧兒牧  
牛良不惡不願朱紫甘寂寞宦遊汨沒利名者一生  
何曾知此樂

勿去草



勿去草。無惡草。無負人。莫鋤削。不擇繁華與寂寞。  
隨意而生。隨意落。君不見。朱門大家塚。和烟涵露發。  
新滋如袍如帶。還如絲。有時借藉王孫醉。有時占出  
池塘詩。又不見。銅駝陌。金谷園。芊芊鬱鬱。春更繁。  
繞蹊迷路愁。黃昏幾回銷。斷詩人魂。入世榮枯有寒熱。  
草豈有心能分別。綿綿剪還生。青。還可悅。勿去草。  
草無惡。草無負。人莫鋤。削。

望夫石

望夫山下飛埃塵。望夫山上多荆榛。何人望夫苦留



待花爲瘦骨空嶙峋朝朝暮暮望行人行人非是還  
傷神縱然頑質不解語望夫之意今猶古紛々山下  
往來人至今相傳誰敢侮

把酒問月

青天明月當檐楣我今舉盃仰問之自經晦朔圓且  
缺從古至今能幾時月中茫茫幾千里月中如何有  
查滓得非山河大地影得非桂樹花敷蕊玉兔搗藥  
幾作九姮娥孤棲與誰歡天上三光覺無右如何未  
免蝦蟆餐是皆下人所未識請言一一開胸臆天上



人間兩渺茫月本無言應不得應不得可奈何月吾  
與影同婆娑夜下對酒而清歌長使蟾魄舒金波

將進酒

君不見金鑿坡上金醪醺紅雨紛々辭古枝又不見  
王孫園裏青々草清霜一夜色枯槁花草榮枯春復  
秋流年冉冉催花頭華毛一白難再黑不如隨意探  
春遊白壁千雙金萬鎰聚之爲難散易竭不如盡展  
充酒資携朋共飲連十日伯牙琴瑟已瑟魚出聽馬  
仰秣趙女歌燕姬舞拍手長吟雙耳熱但願一生長



醉聲色間不負青春好時節

妾按馬

君家叱撥桃花鮮我家粉頰胡然天胡然天姿妖且  
妍膏盲疾祟終難痊不如永訣割恩憐奉君之室娛  
芳年柳眉頻翠辭門前竹耳登櫪風生擅鐵蹄如雨  
不賴鞭穿林驅從狼兩肩以此易彼兩相全豈論高  
價黃金千丈夫壯志人休憊

公無渡河

長風捲地吹洪濤洪濤翻作銀山高公隨一葉沂萬



頃瞬息性命如秋毫飢蚊垂涎作威猛短弧含沙工  
射影水途險惡乃如此妾言雖無可箴警公今重義  
輕捨生捨生終難保義名身名兩全為上榮莫學飛  
蠅投熱羹公無渡河宜少住仰須我友當共渡

妾安所居

憶妾與君初結褵屈指如今歲未期豈意比翼鸞鏡  
裏忽作參商相別離君從王事不憚遠妾今無依空  
自怨死生契濶不可期忽負百歲偕老願墻頭千葉  
桃風吹花易凋自傷顏色改攬鏡心無聊妾安所居



安所仰獨對寒燈守空幌

代閨人答輕薄少年

妾本公卿大家氏誤嫁春風輕薄子  
妾家門闌方盛時君能寘子懷袖裏  
自從中道遭亂離君反棄子如相遺  
君心政似堂上燕附熱營巢寒則辭  
新人婉孌貌如玉舊人悲啼老空谷  
妾如秋葉不須憐不念翁家恩義篤

邯鄲才人爲廝養卒婦

妾本生長邯鄲城學鼓趙瑟彈秦箏  
一朝選入深宮



裏最承恩愛身華榮傲睨同伴無顏色獨倚君王不  
離側自幸鷦鷯得安棲又生鷦鷯成羽翼焉知佳會  
忽成屯辜負三十年青春君王已逝雛又化顧妾零  
丁惟一身頭髮半蒼成老醜畢竟嫁作厮卒婦荆釵  
蓬髮青衣裙半開單門賣春酒往事如夢雲沉二鈿  
蟬零落難調音寄語二八娉婷子莫矜嬌豔生驕心

三五七言

春風采春花開花開春正好花落春遠催春來春去  
入易老與君花下長會盃



杏花飛桃花肥昨日花方盛今朝花已稀人生如此  
不復歸願君莫惜金縷衣

十臺懷古

姑蘇臺

層臺百尺憑風高歌舞半在青雲霄西家施子美絕  
代捧心一笑千金嬌君王沉醉昏無愈不知烏喙嘗  
膽苦忠臣抉目東門路越騎如雲簇江浦至德遺廟  
生蒿萊春深麋鹿登崔嵬粉仁聲色幾誤人後車不  
鑑前車推



章華臺

子園虐焰森莫邪欲問周鼎窺中華玲瓏棟宇連雲  
起滿臺粉靨濃於花紅橘離離垂萬樹羅衽仰拂枝  
上露貪者萬隊舞腰迴不覺白日催秋暮孤舟出走  
迷乾谿申家兩媛空悲啼郢中無王更有王芊社未  
必今顛隳

朝陽臺

巫山十二重復重青楓翠栢連高峯高塘貝闕隱復  
現朝雲暮雨飛濛濛處心默禱精靈聚宛轉蛾眉夢



中遇夢中歡趣不須更縹渺悠揚覓無路仙駢已遠  
雲沉上山鬼號泣江猿吟當時真偽杳難辨宋玉雄  
詞留至今

### 黃金臺

昭王不惜黃金千光輝狼籍崇臺顛市骨尊賢自隗  
始聞風義士爭趨燕樂生謀兵古來少塊視全齊聊  
一笑七十餘城如瓦崩已湔國恥還遭誚騎劫登壇  
軍吏譁望諸忠計終蹉跎懸金之意竟安在版圖已  
入秦山河



歌風臺

龍顏弭蹕陳樽罍父老喜極還生哀竹皮短帽舊亭  
長今被柘色黃衣來黃衣照座白日光酒酣作歌風  
雲揚小兒拍手爭和唱尊卑濡首同懽康沛中根本  
多宗族萬歲魂遊此鄉曲家々牛酒復十年鄭重君  
心猶未足

戲馬臺

函秦圖籍輸隆準王斗如雪亞天憤彭城臺上戲調  
馬雲錦連郊迷遠近沐猴貪富坐失機龍媒太半隨



朱旗陰陵萬騎散如雪畢竟同心惟一驅寄奴千載  
悲西風登臨置酒誰雌雄興亡得失固有數莫將田  
叟肩重瞳

望思臺

銅人飛入青宮裏趙虜狙詐求作使天中日月相戰  
搏前星墜地光不起劉郎少思不深思戕敗骨肉爲  
人嗤千秋一語真邂逅惻然忽抱無窮悲臨臺悵望  
朝復夕日々垂淚終何益園魚食葉已有識曾孫繼  
業登明辟



銅雀臺

奸雄按劍初當途，坐令郡國搜名姝。  
銅雀春深鎖不出，銀缸萬室吹笙竽。  
龍輜一去無消息，西陵樹老春陰黑。  
悲歌奏曲向黼座，東風吹老桃花色。  
阿瞞猾計吞漢家，效莽九錫相雄誇。  
臺傾壁破漳水上，千載過者無傷嗟。

鳳凰臺

吳山簇口，湘雲愁鳳凰臺。  
枕清江頭，何年鳳鳥此來。  
遊鳳飛名在空悠口，青蓋北歸為降虜。  
五馬南來作



新主當時衣冠幾登眺  
烏衣巷口雷塘路金陵王氣  
浮雲空六朝變滅隨東風  
白鷺飛截碧山去一雙飛  
八幽蘭叢

凌鼓臺

江南佳麗神仙區玉欄金虬臺城隅十里光搖錦步  
鄣滿庭香蘸紅瓊瑜六龍馳道和鸞語飛上層臺望  
吳楚三千粉面舞樽前風飄霞袂空中舉土籠麻拂  
農家兒晚年得意正乘時千年遺跡問無處陰云綠  
樹啼黃鸝





卷之二

其詩三子傑面雲舒而風飄飄兮

其詩三子傑面雲舒而風飄飄兮

其詩三子傑面雲舒而風飄飄兮

其詩三子傑面雲舒而風飄飄兮

其詩三子傑面雲舒而風飄飄兮

其詩三子傑面雲舒而風飄飄兮

其詩三子傑面雲舒而風飄飄兮

虛白堂風雅錄卷之二



虛白堂集拾遺卷之一

男世昌編集

詩

都李兩伶皆妙手未爲樂官詩以慰之

陽春白雪和者少折楊黃華嗑然笑嘔啞要妙等一  
聲野鳥自眩咸池好幾多新進笑陳人大手誰推斷  
輪老便將身世隱周伶白眼仰視侏儒飽汝今擊磬  
真有心莫效師襄逃海島

送金進士訢南遊謁外舅



金俠蘿菖裔高價重璫與杏園甲蓮膀萬口騰佳譽  
遠慕子長遊膏我南行車烟雲掉詩興秀句娟秋藻  
森々松竹嶺霽々桑榆墟行邁何促々歸夢先繞廬  
離孫拜鶴髮文采驚鄉閭比鄰共挈榼鷄黍秋風初  
高歌鳳將雛壽酒清可醺相逢賀宅相喜色如魏舒  
此行雖云樂事業終何如榮華遽相代歲月行將陰  
君歸閑書帷萬卷窮三餘莫慕蜩與鳩控地徒超超  
須攀大鵬翼九萬搏空虛弩力事功名吾言豈欺歟  
秋風動離思楊柳漸扶疏將持一盃酒往摻東門裾



天使鄭同姜玉獻綾段繡帛金玉藥餌及御  
厨美味無慮數千駄

紛口珍產爛揚光舉目人人總駭惶探得驪龍珠萬  
顆織分天女錦千章膳肴貴出天厨味藥餌遙輸異  
國香溝壑難盈多嗜欲帑藏無物可堪償

拜 光陵

高山蒼翠八雙瞻行到園陵滂泗霑珥筆曾為香  
案吏攀龍莫及鼎湖髯連岡樹木旋旗亂鎖草麟羊  
象設嚴十四年光綫一瞥滿空飛兩落纖



過昌和里

渡江十里餘沃野開平堤松柏滿後崗  
檉柳連前溪借問誰氏宅碧瓦映朱楊  
在昔雍熙際詩人歌鳬鷺攀附多英雄  
靡監走東西安知轅下駒便作千里蹄  
青雲起扶藪薈蔚南山躋金甌照廊廟  
寶綬通天羣東北曾喪亂殺氣纏紫霓  
敷揚閭外威身擁萬鼓聲天助人亦順  
汎掃鯨與鯢聲華二十載出八黃金閨  
名參五功籍輝映雲臺杓賞賜累鉅萬  
金帛賤如泥潤屋日不暇牙籌如奉主  
悍僕走四方鞭扑敲耄倪



剥股萬民膏茨梁列要蹊長年押三司不解安黔黎  
經營富國術貽害到大鷄利公兼利私析利分刀錐  
階前生桃李門巷繫駛隄頑童揖貂珥深陌簇雕輓  
糟糠擯別室百年終離睽綺羅牝厦屋太半鬼人妻  
可憐年少者婉孌未及笄共虧栢舟操炫眼紛提々  
竹葉挿窓戶門房高復低爭妍各取寵顏荻手柔萸  
杜門麾外客高枕對釵鋌不用絲與竹隨意醉相携  
堪笑枯楊樹晚來多生楊雖非幹父蠱亦足保家睦  
真宰何茫茫厥理本不齊爲善反獲罪爲惡多蒙提



張禹富貴財望之困斐羹平津歸詐僞是非令人迷  
畢竟保者領享壽至鮐鯢彷彿衣中蟬依稀牛角懸  
悠上千載下直華爭評題我今過山下風日何淒  
淒寒水自響林深鳥空啼聊寫一篇詩撫跡增悽

題富林君松都懷古詩卷用達城韻八首

銅鏡生文鐵運終康安宮闕倚雲空街中車轂紛相  
擊殿上羅紉競闢紅郭郭綠山金作固閭闔擿地蟄  
爲封自從嬴呂相承後江水西流不復東  
自古亂流固鮮終半千年業一時空十川秋水盪接



碧八角春花錦纈紅草沒遺墟翁仲泣松餘舊日大  
夫封來尋往事却忘返坐待銀盤初湧東

五百年來王氣終繁華瞥眼墮虛空雲開鵲嶺千重  
翠日落蜈山一抹紅花塢謾濃暎萼染竹階空坼錦  
棚封興亡往轍雲無跡請看夢臺吳苑東

北殿塵飛歌已終東池蕪沒粉牆空駝橋柳染年口  
綠紫洞花開歲々紅迤慶宮荒明月老王輪寺古白  
雲封登臨不盡英雄愧匹馬倦遊西復東

當時冠蓋盡嚴終觸興吟詩萬籟空甲第連雲依紫



翠驂騶嘶日踏嬌紅幾人紛擾簪纓貴千載淒涼釜  
星封怊悵遺魂無處酌樵歌交錯子城東

自是居安思令終謬營禪刹挿晴空月臨鴈塔千層  
白燈照珠龕五夜紅舉世癡狂迷竺教無人剴切奏  
囊封未聞事佛能延祚誰俑虛無遍海東

堪笑玄陵未慎終老耽虐焰可燔空思庵藻鑑塵無  
累少李孤忠日貫紅異姓留殘青木社輿流雜還紫  
泥封人心天意思真主畢竟奔趨萬折東

白螺吹徹數聲終義士登垣壺奏空宮女別衫雙淚



濕江都歸騎夕陽紅炭塗當日人罹苦烟火于今俗  
比封毫社人從豐鎬去五雲繚繞漢陽東

自咏

日抱琴書養性真時從散策過村鄰犬曰慣客頻搖  
尾猫喜依人每吼咽癡婦憂貧勞訊卜老婆知足自  
安身流年不解憐窮窘猶把清霜點鬢唇

賀伯氏拜三宰

以戢霜鱗暫未伸晚乘雲雨自亨屯貳公化贊經綸  
大叅政功成燮理新黃閣位高享衆望金甌名重際



昌辰序今喜極還無寐惟用微衷祝  
紫宸

遊三角山地藏窟

杖策八青山細徑穿如繩山高松櫟老峯出青峻  
增是時天氣熱苦旱如炎蒸飛泉觸崖竅回灣更清澄  
解衣掛蘿薜赤脚踏曾氷排細日已夕招提方始登  
忽聞金磬響來揖有羣僧嚴罽幽且黑中燃無盡燈  
石佛坐當面名以地藏稱下堂飽夕飯梵鼓雷交騰  
人生如露電百歲虛難憑嗟余墜世網何以驅蚊蠅  
幸茲托休暇快志如秋鷹渺々十年初尚記吾遊曾



重遊豈不好恨無論心朋縱然得義句左右如顰丞  
無人與毫褚欲寫還未能

丙子年曾遊此寺到今已十年

### 行踰保實峴憇民家

不耐羸驂困來投野老家主人開戶緩行客向風嗟  
雀噪黃茅野牛閒白雪坡生涯同泛梗役上竟如何  
夜雨

長安三日雲潑墨四山冥冥一時黑雲來雲去互明  
暗天幕漸幽日華蝕夜來狂飈飭宇宙紫電礮日照  
振闔驚雷隱隱在山陽俄傾軋轅亘南北大雨西注



如建瓴簷前簷後銀縷直就持破傘郭屋雷兩耳成  
聾天地塞平明扶杖下荒階苑中百草生顏色逢人  
聞說故鄉事一犁只是滋稼穡勢如盆水沃焦釜未  
見溶<sub>上</sub>野溝洫昨時山川金石爛長望銀潢一點力  
如金天澤可滲灑得隴望蜀意無極應須火急種秋  
畬蔬糲可支三冬食

自土峴至清凉峯

手把烏藤筇盡日循南峴山頂少廣平歸路脩蛇轉  
下者俯陰谷高者陟層巘巖石多奇峻恍如龍虎變



松垂百尺絲石老千年  
薜楓林脆染霜血色鮮可剪  
秋光滿山麓紅綠眩深淺  
眼界一何高山川一何緬  
探興不知勞兩足忽成繭  
徐行復坐歇時作吳牛喘

朴淵瀑布

天磨聖居兩山口崖峽剖判排翠牖  
千年石窟藏蛇虺潭水澄々深更黝  
飛流直下萬丈岡白日驚雷巖底吼  
初如銀河半空垂熟視素蛇繞山走  
十里濛々天正陰跳珠濺沫洒林藪  
舊聞此景天下奇今日采遊更多趣  
畫圖安得龍眠手掛向高堂素壁石



花娘臺

謠傳昔有美女每靚粧臨臺按廉過此者  
邀致其家無不失節

佳人生長在幽谷紗牕繡幌開華屋  
淡掃蛾眉照鏡奩十里香風動紉縠  
嫣然一笑臨高臺雪膚花貌驚羣目  
美色正如飲美酒和氣融融透人腹  
路傍過者孰不戒前車相傾後車覆  
雲飛雨散事成塵後人指點空山麓  
香魂冷落去不歸芳草年年隨意綠

踰水嶺



扶筇數十里飛上白雲岑靈飈自生籟豁爾披胸襟  
相將戒喧鬧恐值秋雨霖東行入幽谷薈蔚成長林  
松杉倚霄漢屹上高千尋日光不到地歸路何沉沉  
珍禽喜晴景飛來遺好音無風櫓自響非雨天常陰  
高低隨上下山麓復溪潄遊人自來往山川經古今  
仲尼席不煖墨子突不黔窮經守一室何異書中蟬  
紅塵脫桎梏勝境供清吟抽毫記此行遂我平生心

成佛庵望海

暮尋成佛寺行到山東巔滄溟幾萬里眼界窮無邊



鯨濤遠結渺上下光涵天  
水杳難辨但見雲相連  
一望意自快再觀神飄然  
蓬萊是何許我欲乘風舡  
願隨僊僊輩採藥終殘年

檜巖寺

穿林度谷水淙淙行盡山頭見石幢  
和尚遺蹤藏舍利韓山巨筆似長杠  
神通不獨當時驗法力終教後代降  
是非何足辨坐憐空翠滴禪牕

到平壤戲贈書狀元壽翁

壬辰年隨家兄赴燕京作

風月樓高踰半空紗窓綉闥深重  
五花褥隱金芙蓉



簪屏圍十二巫山峯丈夫半醉歌玲瓏美人顏色桃  
花紅朔風吹雪撲簾櫳流蘇寶帳春融二紅燭泣脂  
照雕几別院笙歌擁紈綺粉汗沾衿肌骨膩曙色臨  
牕嬌不起分司御史少豪氣孤枕獨眠冷如水人間  
鼓響不到耳獨有玉堂成學士

留別亞使子珍

千里西行少故人逢君左覺露情真燈前繾綣連宵  
話馬上推敲綴句頻塞外雲烟勞夢寐樓中風月惱  
精神歸期正趁端陽後好領笙歌迓水濱



次星州百花軒韻

伽椰蒼翠擁名州城靄崢嶸度幾秋  
繞砌雜花春易謝倚空華館歲增修  
江山無限憑詩寫賓主交懽與酒謀  
到處南方佳麗地醉扶紅袖等閒遊

次榮川字民樓韻

太平民物百憂空草木欣含化育功  
麥秀兩岐多喜色政成三異有神通  
青樓對酒天將晚素壁題詩句未工  
半醉崖巾微雨裏數聲啼鳥滿簾風

遊龍岑灘示府使希尹



四面雲山何巖峯南面突兀爲龍岑紫微千點紅  
樹蠻篁百尺青成林紅粉綠駭相葱蒨影隱映清  
湖陰清潭無塵淨堪染鑑白而淺藍青深萬夫齊呼  
舉長鬣銀梭玉尺爭浮沉天生我材何齷齪長年苦  
作書中蟬南來風日正清美鳴笳擁騎行江潯鏜  
玉桴搥畫鼓徐々皓腕調鳴琴扁舟一棹恣容與浪  
花湧雪濺羅襟斜陽灑灑下沙際坐看萬斛鎔黃金  
舟中岸上舞袖翻爭墜玉珥遺瓊簪樂哉此樂亡無  
極在古無古今無今不圖清遊得再遇遂此爛熳平



生心歸來援筆記盛事撫胸長嘆無知音林間幽鳥  
啼復歌爲我一扣清吟

十一日 命召館員於承政院饋酒

多年王署侍 珠旒屢入銀臺接勝遊中使傳宣開  
御醞羣仙稽首荷天休香凝翠釜烹魚腹霧噴瑤盤  
劈石榴綠暗紅稀素正好涵 恩泥醉百無憂

題無訖驛

過盡栗林汀天薰醉未醒卸鞍依老樹欹枕坐孤亭  
灤口溪流咽冥冥竹影青離筵慣徑去華髮倍星星



到漢江見銀川君亭子撒毀有感

蕭洒漢江上亭亡人亦亡幾年勤結搆一夕就榛荒  
深對悲風吼空原落照忙自緣相識久駐馬更心傷

元日有感

嵩山萬歲競呼三環佩琳琅擁赭衮却恨不如仙仗  
馬夾階昂首聽韶咸

人日

七日恒雲雨今朝始快晴家宜無疾疢歲亦自豐亨  
朝野歌三白陰陽協七情太平欣有象詩酒樂平生



到太平館與兩太監封裹禮物

洛陽五侯貴明哲不保身唐家北門熾仙李根生塵  
如何聖天子亦重刑餘人那知狗鼠輩反作皇華賓  
玉帶耀白雪緋袍照青春萬人擁道路埃塵開闔闔  
紛紜朱與紫徧及瑣口親聖人重財穀不寶金玉珍  
胡爲眩萬寶顛倒贗與真誅求至杌忽倚疊齊峨岷  
比如橫海鯨吸水萬壑貧一一親封儉託言上楓宸  
茫茫遼薊間馬仆車摧輪皇天生巨蠹侵擾東方民  
氣焰所照耀孰不傷心神願言投有昊有昊嘿不仁



侍獵東郊

蒐獮較成周省歛聞有夏  
君王一遊豫米幸東郊  
野上曠霜露涼林踈麋鹿寡禽鳥喜朝曦凌空飛上  
下旗纛蔽平原笳角擁萬馬千人爭一鳥毳毼羽血  
灑以此較勝負爭浮白玉竿近侍皆英豪誰與腐儒  
者韋陪翠華遊愁懷得自寫賡賦車攻篇願續周小  
雅

忠翊府進豐呈于慶會樓下

冠劍縱橫擁玉欄彤墀咫尺拜  
龍顏宴成魚鳥回



依處功在山河帶礪間  
鐵券丹書藏秘府  
金章璫佩列崇班  
愧將簞土裨山岳  
爛醉承恩日沾歡

與耆之往赴耆英會

耆英高會古來無  
絲絡珍肴出御厨  
鼉鼓輶輳頻賁鵠  
觥籌交錯競投壺  
蹊成桃李花如海  
波盪琉璃酒似酥  
日暮長堤楊柳路  
白鬚紅頰醉相扶

聞世隆讀書

我昔十二讀軻書  
千回萬遍迷所如  
汝今十二讀軻書  
一々悟意辨魯魚  
牕裏青燈半明滅  
琅玕讀字聲



不輟老父擁衾耿無寐引書與和自怡悅猶勝五柳  
潯陽陶阿舒懦情雍端矯老境蹭蹬雖可哂三躡龍  
尾登雲霄汝繼箕裘善持守少年功名猶可取好將  
身世寄昌朝莫學白衣窮獨叟

鐻髭

生涯蕭灑任疎頑髭鬢蒼上  
半欲斑初似柳花粘葉  
上終如松雪著枝間自從  
去歲如鋤莠更過明年盡  
刈管萬一君恩收棄物無  
心束帶立鸛班

曰耆之失職南歸并寄兼善



大灘流水抱林垆剪棘誅茅地有靈恒抱典墳閒送  
日又將詩禮謹趨庭碧山紅樹頻來往白酒黃花任  
醉醒滿畝黃雲秋正熟壬寅家計豈零丁

遷工曹叅議有感

三品堂官有幾貧再爲學士侍 經筵薇垣既寫諫  
疏草芥館又登函丈擅出納綸言承 寵渥聽治詞  
訟擅機權今遷工部應多暇鄭重銀章亦我緣

虛白堂集拾遺卷之一



虛白堂先生文戴成公行狀

公諱

倪字

磐叔

昌寧巨族高祖昌寧府院君

贈

謚文靖公諱

汝完

曾祖

贈崇祿大夫議政府左

贊成昌城君行資憲大夫禮曹判書

贈謚靖平

公諱

石因

祖

贈推忠補祚功臣大匡輔國崇祿

大夫議政府領議政兼領觀象監事昌城府院君

行資憲大夫同知中樞院事

贈謚恭度公諱

揔

考資憲大夫知中樞院事

贈謚恭惠公諱

念祖

妣貞夫人安氏海州牧使諱

後約

之女以正統四



年己未生公公生而聰秀異常甫十餘歲樞院公  
卒與伯兄文安公仲兄真逸齋廬于墓側三年從  
伯兄受業尋常讀書不輟內承母訓克遵義方伯  
仲公視其學日進大奇之曰能繼吾家者必是兒  
也天順三年己卯中進士試六年壬午擢科選入  
承文院七年拜從仕郎藝文館檢閱兼春秋館記  
事官十月兼弘文館正字八年七月加承仕郎無  
議政府檢詳條例司錄事八月加通仕十月加啓  
功十一月加務功成化元年正月陞待教三月加



宣務四月加宣教五月加承訓二年二月改檢詳  
錄事爲司祿五月登拔英試加承議七月陞奉教  
兼承文院博士三年四月超授奉直郎十月陞通  
善行世子侍講院司經兼承文院副校理十二  
月加通德四年十月遷宗學司誨兼經筵侍講  
官時

肅宗新即位妙選經筵官只置六人公其一也常  
引八卦內講論經史時人榮之十一月加朝奉十  
二月加朝散五年閏二月加奉列筵經筵檢討



官藝文館應教知製 教承文院副校理七月加  
奉正侍講院司經九月丁內憂七年服闋拜藝文  
館修撰無承文院校檢以漢訓質正官隨文安公  
赴京師道途往還佚相酬唱遂彙爲觀光錄若干  
卷華士歎服求見者全集八年正月加中訓四月  
加中直六月加通訓九年八月陞藝文館副校理  
知製 教無 經筵侍讀官承文院校理十年正  
月拜司憲府持平四月以言事左遷漢城府判官  
五月出爲全羅道都事將行政府啓曰某才宜館



職不可外補 特拜成均直講七月拜藝文館副  
校理十一年隨上黨府院君韓明澮朝京師與李  
瓊仝崔叔精同行二人皆有才名公相與唱和應  
答如響滔口不竭二人皆服之十一月朝議以公  
曉解音律特兼掌樂院僉正十二年二月陞校理  
四月擢重試超拜司饗院正知製教兼承文院  
叅校餘如舊十四年二月拜承文院判校六月拜  
弘文館直提學無 經筵侍講官春秋館編修官  
承文院叅校餘如舊九月陞副提學時



成宗方尚文雅公昵侍左右累蒙恩眷嘗上八條封事上大加稱賞賜宴于內御書褒之其畧曰觀讜言之深切樂東方之多士不褒當時之直臣安能起後日之寒蟬又命公製宋朝羣臣五鬼表既進上歎賞命貼坐壁曰加廢賜自是益以為重十五年特拜司諫院大司諫時工曹判書叅判有不協人望者公抗章論劾請罷其職時論偉之又駁銓曹用人之失執政多忌之時成均學生多放浪不檢銓曹啓云是由師表非



人遂薦公爲大司成公至舊習一變十六年正月  
還拜弘文館副提學四月拜同副承旨屢陞至右  
承旨十七年鄭太監同捧詔來政院以迎接都  
監郎廳薦注失當皆罷職公亦與焉十八年拜折  
衝將軍忠武衛護軍三月特拜掌隸院判決事  
八月遷工曹叅議十九年二月還拜右承旨十月  
特陞嘉善刑曹叅判十一月出爲江原道觀察使  
二十年拜同知中樞府事二十一年春以千秋使  
赴京十一月拜漢城府右尹二十二年春拜平安



道觀察使兼平壤府尹弘治元年二月董侍講越  
王給事啟奉使來公應接盡禮相與唱和兩公嘆  
服後見本國人赴京者必問公安否三月遽爲中  
樞府事二年六月又拜成均館大司成四年三月  
兼同知成均館春秋館事六年閏五月拜司憲府  
大司憲時有外戚超拜內職者公累疏極論又駁  
銓曹注擬之失人多嚴憚之七月特拜慶尚道  
觀察使時方刪定樂律朝議以公專掌其事不宜  
外任命遽之特超資憲拜禮曹判書兼同知



春秋館事公以濫超辭上曰卿知禮樂故特授之耳予以欲授卿此職今亦晚矣何濫之有其勿辭十一月兼世子右賓客十二月

成廟昇遐公為殯殿都監提調專掌喪禮曲盡情文未嘗少差九年十二月拜知中樞府事公長禮部凡四年援據古禮務合時宜至於諸學試藝克盡公度朝論重之十年正月特陞正憲九月拜漢城府判尹無同知經筵事藝文館提學弘文館提學十三年正月拜工曹判書餘如舊七月兼弘



文館大提學藝文館大提學知成均館春秋館事  
掌文衡也九月又拜大司憲知無不言務得事體  
十四年還拜中樞府事餘如舊十月公患疾廢主  
日遣內鑒候視并賜藥餌疾遂間然自是氣頗困  
憊竟不起弘治十七年正月九日卒于正寢享年  
六十六易簀之夕戒二子曰宜相和睦二婿曰勤  
奉職任戒孫以勤讀書餘無所言其遺後書曰凡  
關喪葬皆務簡約出葬時門前駕牛挽章只十棺  
容於身擲容於棺土容於槨以表我平生儉素之



意且毋設野祭招魂毋作佛事風水之說本來虛誕欲獲子孫之利爾或曰某山山運不合龍虎有缺至於日時單支皆忌不用過期不葬蒿置草野甚不可予死之後慎勿如是予蒙上恩官至六卿然無德可述只用表石勿用碑訃聞輟朝二日特賜喪葬之具遣禮官致祭以其年三月三十日葬于坡州西面杜鵑峯下壬坐丙向之原廢主末年追罪言者皆置重典亦以首諫寵倖之事被極法二子流竄我



殿下即位 贈公爲崇政大夫議政府左贊成 命  
禮官改葬致祭錄用其子 贈諡曰文戴公博聞  
多見文典禮不愆戴公天性寬裕襟度冲虛與物  
無競不汲汲於仕宦不屑屑於得失平居無疾言  
遽色家人小子如有所失未嘗加以武怒怡然處  
之凡衣服飲食車馬宮室畧不致意雖至弊汚未  
嘗修飾不營生業世業田庄多有廢棄者常鷄鳴  
而起靜坐一室左右圖書手不釋卷雖隆寒盛暑  
未嘗廢也夜則對月鼓琴翛然遐想望之如神仙



中人每戒子芬曰汝等如吾執心則學業何難成  
就嘗作詩曰所惡是諂諛所欲惟忠盡書與二子  
誦之平生不喜訪權貴人有來謁者亦不甚款待  
以是官至六卿門巷蕭然性好探山水雖居室常  
以江湖風月爲懷聞名山勝區靡遠不討嘗以承  
旨見罷與仁川君蔡壽約遊金剛山野服蕭然從  
數僮探竒窮勝歛而後返戎諸僕勿言名職出入  
郡邑莫知爲誰也其任寧類此少時與盧交城諸  
伴學琴公獨得其妙通曉律呂爲掌樂院兼官及



提調前後二十餘年其節奏多所更定

成宗嘗命一時文士撰定樂章皆讓公爲今之合字  
諸譜樂學軌範皆公所撰也人稱近代知音一人  
而已再爲成均大司成又爲同知館事繼文匡公  
洪貴達掌文衡以興起斯文爲已任屢掌試圍得  
人尤盛及卒知與不知皆傷惜之門生故吏僚友  
親戚吊賻奠祭連絡不絕公於諸子百史無不探  
討爲文章雄贍宏富不事雕篆詩又豪健一時高  
文大冊皆出其手所著虛白堂詩集十五卷補集



五卷文集十五卷風雅錄上下卷浮休子談論六  
卷奏議裨說六卷嘯齋閒話十二卷錦囊行跡四  
十三卷桑榆備覽四十卷經綸大軌五十餘卷未  
就而卒所撰風騷軌範三十卷行于世其他命  
撰諸書應製篇章稱是嗚呼天之生大才也不時  
當我朝百餘年昇平又得

成廟聖主益敦文治於是時也公鍾山岳之秀氣應  
千齡之熙運以文章德業大鳴于世黼黻賁歸輝  
光發越夫豈偶然哉當時諸公以文章名者多矣



至於述作之富哀集之廣未有如公者也人推六  
手筆云公娶通禮院副通禮李塾之女生三男三  
女長曰世亨中進士誠官至伊川縣監在謫沒次  
曰世通先公沒次曰世昌登第今爲弘文館著作  
女長適司宰監直長李復亨次適尚衣院直長許  
衍先公沒無後次適禮賓寺主簿崔秀珍世亨娶  
生貧吳益壽之女生二男長曰詢次曰諮世通娶  
中樞安如獺之女生一女適幼學金安道世昌娶  
宗室長陽副正儔之女生一男曰諧李復亨生二



女長適別坐申淙次適承文院正字金公望歲戊  
辰夏四月下幹門人通善郎行弘文館副校理知  
製教兼經筵侍讀官春秋館記注官承文院  
校理金安國謹狀







徂歲之辛丑春載恒宗人携同猶子琦鎬  
躡屨千里過余話次喟然如有求而不  
得而曰南落錦城爲四世泯之賀之吾  
祖虛白堂集七未之獲覩永抱先父  
兄沒世之恨言足有感動人者余適貯  
斯集之草成全函出而脉之喜極焉



驚叩茲所由來為說當時刊布是遜齋  
相公所編存而年代久遠重經壬丁  
之訐藝文家賴祇存書目而已故侍

即老隱諱天柱登玉堂閣秘書得公

詩文集古本淨寫藏于家為後人觀  
老隱文學名懷寔近代吾咸之淫余在



稚蒙雖未克拜床賴以讀逸書於百  
世之下矣是本也宜其永保而又失於  
中間疾疫之際與君同祖公之載億  
甫曾有傳膳老隱本而亦已作古人其  
堂從典守者不肯出手或慮其毀于水  
火虫鼠於焉並沒故力求竟致之證其



詎謬仍又就此一本抑猶愈於已歟說  
未盡而起而請借懇之遂許携歸之

與其同里鄉四世之親亟函活印一依

古本工告竣請述并卷於霞石門下

又強余識其顛末顧毫晉戶居庸詎

贅辭弟惟原集外奏議六卷昔無得程



秘府自屬闕文補齋叢話二卷注之有斷  
編流傳若更求完書以續此役可謂  
能事畢而不寧惟是公之曾王考大  
學士桑谷公遺集行于古者今且無  
傳齋志未購四五十年迫此朝暮死矣  
以若人之誠到遍訪南士故家倘獲靈



間爛板零如片金得如斯集之復延  
壽後世知公在是乎茲源在衆無餘憾  
須悉告而勉旃余觀恒踰中身言貌慎  
而忠是驗做事底人將則精詳妙年遊  
學期有前頭成就也夫時壬寅端陽  
葉谷十五世孫成載崇敬書于卷尾



虛白集刊本逸在羅孫載伯  
氏適至京得古苦宗丈謄本  
歸而梓公歿三百六十年集  
又行伯氏之功偉哉然相之  
功有季載豐氏基之功有伯  
載觀氏觀氏好文追遠仲季



於謀趨先事如貧夫趨利不  
幸早告功者直派譜而已  
今仲季遇先藁八百里抱而  
還還則刊未幾功訖功何速  
基於伯也惟公文行思齋有  
狀文集顯晦掌憲宗丈有跋



獨三人同功知者走也筆與  
豐氏子琦鎬俾藏于家琦且  
與聞事始云壬寅夏宗浚生  
近壽謹識



此書對讀

興國寺藏書

豐  
內  
市  
街  
陳  
興  
隆  
號  
主  
人  
啟  
者  
且

蘇三人同保族譜











五